

Peyva serok barzanî
li vekirina pira Bilê 9\8\1999ê



Bismîllahirrehmanlrrehîm

Xûşk û birayên xoştivî

silavêt xudê liser hingo hemiyân bin.....

Birastî rojeka xoş û geşe didîroka gelê me da ku em şahidê serkeftina pirojeyekê hoyê mezinî di welatê xoda ,ev pirojê evro ku em lêre xir vebûyn bo vekirina wî pirojey , pirojeyeke bi zehmete em biwestîn teqdîra erzişê vê pirojey bikeyn çunkî bijlî hindê ku dû parêzgehê Kurdistanê digehînte êk , parêzgeha Hevlêr û Duhokê , barê jiyana xelkê deverê dê gelek berev pêşve bet , ji rûyê siyasî û leşkerîş ve, dê gelek û gelek wezçê deverê baştir ket .

Birastî heqqê wan hevalaye ku ev pirojeye bidûmahî înay ,biserkeftî bi dûmahî înay , heqqê rêveberiya rêk û piraye , ya parêzgeha Duhokê ku dinav gelê xoda hest bi serbilindiyeka mezin biken û bizanin ku zor serberzane , zor bi serferazî çûne didîroka gelê xoda û heqqe milletê kurd hemî van biradera bi qehremanê awedankirinê hesab biken.

Bextewerî ne ewe mirov bo xo yê bextewer bit , bexteweriyeka mezin ewe , mirov xelkê hejarê nav gelê xoda bextewer biket. Ev newçe pirojane heqîqet dibine mayê bexteweriyaya xelkê kurdîstabê û şerefa mezin eveye û erkê pîrozîş her eveye .

Ehmîyyeta vî pirojey ne ewe ku dû parêzgeha digeheînîte êk bitinê , lezzeta li hemiyana xoştir ewe ku bi destê kurê Kurdistanê hatiye çêbcêkirin bêy ku li derve kesek hawîkariyê biket yan destekê derve têda hebît .

Cihê serferaziyeke mezine bo partî û bo kabîna sêhem ku berdewam piroje li dî pirojey encam diden , xizmeta kurd û Kurdistanê diken û eve şerefeka mezine , bêguman giyanê şehîdê Kurdistanê pê şad dibîtin û lazime hemû wextekê em bizanîn ku eve berhemê xwîna wane , ev azadî û serbestiya ku em têda dijîn , eve berhemê xwîna wane û ew hedefê ku wan xwîna xo bo riştî eger hemîş nehatbîte dest , emma beşekê zor li vê amancê hatiye dest .

Parastina wê qurbaniyeke zor divêt , çewa bidest hînana wê

Qurbanê zor viyan ,evro ji parastina wê qurbaniyê zor divên û hûn dibînin çend hikûmeta herêmê û dezgayên hîzbî û îdarî pirojên avedankirinê dirust diken hindîş dujmin û nehezên Kurdistanê muhawelê diken xirabkariyê biken û ewan pirojane têk biden , emma lêreda bipêwîst dizanim bêjîm bikoreya çavêt hemî dujmin û neheza ave dankirinewe dê ya berdewam bît , bergirî li xelkê kurd û Kurdistanê dê ya berdewam bêt û her qurbaniyeke lazim bît bo parastina vê destkeftê partî ya hazire ya li meydanê û min divêt zor bi rûn û aşkirayê bêjim bo parastina vê tecrobê , bo parastina vî kiyani , bo parastina vê azadiyê , her pêngaveka lazim bît em bi şerçî dizanîn , her kesekê jêr her perdeyekê , jêr her navekî , dujminayetiya vê tecrobê biket , dujminayetiya vê azadiyê û vê kiyani biket li Kurdistanê da em bixayîn dizanîn û dê reftarê we digel keyn ku xayîne digel kurd û Kurdistanê .

Dûmahiyê min divêt ez careka dî bi germî supasa rêveberiya rêk û pira ya parêzgeha duhokê bikem , hemî ew birader û hevalêt ku dest hey divê pirojey da û ez hîvîdarim ku ew teqdêr û xelatê ku şeç nê wan bît bête dabîn kirin li terefê hukûmeta herêmê ve û eve cenabê serokê encûmenê wezîranîşe û ez hîvîdarim her çi zûtir xelatê van qehremanane bête dan çunkî heqîqet jibilî

deçma meç newî , musteheqqî xelatekê taybetîşin û ez lêre pêşinyar dikem û ji vêrê û wêve mîdaliyek bi navê mîdaliya avedankirinê bête terxan kirin bo ew heval û biraderê ku pirojê xo yê muhîm bi encam digehînin .

Dûmahiyê careka dî bi xêrhatineka hemiya dikem , min di kelemê jî da ku hindêk birayê me yê Ereb yê eşîreta şemmer beşdarin digel me da , bi xêrhatina germ bo wanîş dikem û her wekî berahiyêş me gotî Kurdistan ya vekiriye bo wan çunkî heqîqet wan birayetiya kurd û ereba parast , wan qiyemê esîlê erebî parastin , hemû wextekê Kurdistan ya vekiriye liber wan çunkî hîç wextekê ne çûne jêr barê hindê ku teçrîb li Kurdistanê da bête kirin û ew beşdar bin têda , çî cara milletê kurd vê ji bêr naket û ez supasiya hemî milletî jî dikem ku birayane û xoyane îstêqbala wan kirî , mumkîne hindêk cara meşakilîş hatîne pêş , zerer û ziyanê waş hatbine kirin , emma bo xatira birayetiya kurd û ereba îhtîramen bo vê eşîreta ku ez tesewirê dikem heqqê wane tehemula her tiştekê hatiye kirin , ez pir ji dil supasiya hemû birayê xo dikem li menteqê û careka dî supas bo hemiya û diserkeftî bin û her bijî kurd û Kurdistan .

Serok mesûd barzanî

Livekirina pirjê pira Bilê

9\8\1999ê

